

**MEĐUNARODNI STANDARD ZA POVEZANE USLUGE 4400**

(Prije MRevS 920)

**ANGAŽMANI ZA OBAVLJANJE DOGOVORENIH POSTUPAKA U VEZI S  
FINANSIJSKIM INFORMACIJAMA**

(Ovaj Standard je na snazi)

**SADRŽAJ**

---

	Točka
Uvod .....	1-3
Cilj angažmana za obavljanje dogovorenih postupaka .....	4-6
Opća načela angažmana za obavljanje dogovorenih postupaka.....	7-8
Definiranje uvjeta angažmana .....	9-12
Planiranje.....	13
Dokumentacija .....	14
Postupci i dokazi .....	15-16
Izvješćivanje .....	17-18

Dodatak 1: Ilustracija pisma o preuzimanju angažmana za obavljanje dogovorenih postupaka

Dodatak 2: Ilustracija izvješća o činjeničnim nalazima u svezi s računima obveza

---

Međunarodni standard za povezane usluge (MSPU) 4400 "Angažmani za obavljanje dogovorenih postupaka u vezi s finansijskim informacijama" treba čitati povezano s Predgovorom međunarodnim standardima kontrole kvalitete, revidiranja, uvida, ostalih angažmana s izražavanjem uvjerenja i povezanih usluga koji navodi primjenu i ovlasti Međunarodnih standarda za povezane usluge.

## Uvod

1. Svrha ovog Međunarodnog standarda za povezane usluge (MSPU-a) je uspostaviti standarde i pružiti upute o revizorovim<sup>1</sup> profesionalnim odgovornostima kada se preuzme obveza o provedbi dogovorenih postupaka u svezi s finansijskim informacijama i o obliku i sadržaju izvješća što revizor izdaje u svezi s takvim angažmanom.
2. Ovaj MSPU je usmjeren na angažmane u vezi s finansijskim informacijama. Međutim, on može pružati korisne upute za angažmane u vezi s nefinansijskim informacijama, uz pretpostavku da revizor ima odgovarajuće znanje o predmetnoj problematici i da postoji prikladni kriterij na kojem treba temeljiti nalaze. Upute u Međunarodnim revizijskim standardima mogu biti korisne revizoru u primjenjivanju ovog MSPU-a.
3. Angažman radi obavljanja dogovorenih postupaka može uključiti revizorovo obavljanje određenih postupaka u vezi s pojedinačnim stavkama finansijskih podataka (na primjer, računima obveza, računima potraživanja, nabavama od povezanih stranki i prihodima i dobitima segmenata subjekta), u vezi s pojedinim finansijskim izvještajima (na primjer, bilancom) ili čak u vezi s cjelovitim finansijskim izvještajima.

## Cilj angažmana za obavljanje dogovorenih postupaka

4. **Cilj angažmana za obavljanje dogovorenih postupaka je za revizora da provede postupke revizijske naravi o kojima su se on i subjekt te odgovarajuće treće osobe dogovorili i da izvijesti o činjeničnim nalazima.**
5. Pošto revizor samo sastavlja izvješće o pronađenom činjeničnom stanju vezano uz dogovorene postupke, ne izražava se uvjerenje. Umjesto toga, korisnici izvješća sami procjenjuju postupke i činjenične nalaze o kojima je revizor izvijestio i donose vlastite zaključke na osnovi revizorova rada.
6. Distribuiranje izvješća je ograničeno samo na one stranke koje su se dogovorile o postupcima što ih je trebalo obaviti jer bi drugi, koji nisu upoznati s razlozima tih postupaka, mogli pogrešno tumačiti rezultate.

## Opća načela angažmana za obavljanje dogovorenih postupaka

7. **Revizor treba poštivati Kodeks etike za profesionalne računovođe koji je objavio Odbor za međunarodne standarde etike za računovođe (International Ethics Standards Board for Accountants (IESBA-ov Kodeks)).** Etička načela koja uređuju odgovornosti računovođe za ovu vrstu angažmana su:
  - (a) poštenje;
  - (b) objektivnost;

---

<sup>1</sup> Pojam "revizor" se koristi u objavama Odbora za međunarodne standarde revidiranja i izražavanja uvjerenja (IAASB) MRevS-ovima kada se opisuje revizija, uvid, druga izražavanja uvjerenja i povezane usluge koje se mogu obaviti. Takav pristup nije s namjerom da se stvori dojam kako osoba koja obavlja uvid, druga izražavanja uvjerenja ili povezane usluge treba biti revizor subjektovih finansijskih izvještaja.

- (c) profesionalna kompetentnost i dužna pažnja;
- (d) povjerljivost;
- (e) profesionalno ponašanje; i
- (f) tehnički standardi.

Neovisnost nije zahtjev kod angažmana za obavljanje dogovorenih postupaka. Međutim, uvjeti ili ciljevi angažiranja ili nacionalni standardi mogu nalagati revizoru poštivanje zahtjeva neovisnosti iz IAESBA-og Kodeksa. U slučaju kada revizor nije neovisan u, izjava o tom će se navesti u izvješću o činjeničnom stanju.

**8. Revizor treba obaviti angažman s dogovorenim postupcima u skladu s ovim MSPU-om i uvjetima angažmana.**

**Definiranje uvjeta angažmana**

- 9. **Revizor treba osigurati s predstvincima subjekta i uobičajeno s drugim utanačenim strankama koje će dobiti primjerke izvješća o činjeničnom stanju da se jednakost shvaćaju dogovoreni postupci i uvjeti angažmana.** Pitanja koja treba dogоворити uključuju sljedeće:
  - sadržaj angažmana, uključujući činjenicu da provedeni postupci neće tvoriti reviziju ili uvid i da se sukladno tome neće izraziti uvjerenje.
  - svrha angažmana, koja će se navesti.
  - naziv finansijskih informacija na koje će se primijeniti dogovoreni postupci.
  - vrste postupaka, vrijeme izvođenja i obuhvatnost određenih postupaka koje treba primijeniti.
  - anticipirani oblik izvješća o činjeničnom stanju.
  - ograničenja u distribuciji izvješća o činjeničnom stanju. Kada bi takva ograničenja bila u raskoraku sa zakonskim zahtjevima, ako ih ima, revizor neće prihvati angažman.
- 10. U određenim okolnostima, na primjer, kada su postupci dogovoreni između regulatora, predstavnika gospodarstva i predstavnika računovodstvene profesije, revizor može biti u situaciji da neće moći raspravljati o postupcima sa svim strankama koje će dobiti izvješća. U takvim slučajevima revizor može razmotriti postupanje tako da, na primjer, s odgovarajućim predstvincima uključenih stranaka raspravi o postupcima koje treba primijeniti, pregleda značajnu prepisku tih stranaka ili pošalje im model izvješća koje će se izdati.
- 11. U interesu je i klijenta i revizora da revizor pošalje pismo o preuzimanju angažmana dokumentirajući ključne uvjete imenovanja. Pismo o preuzimanju angažmana potvrđuje revizorovo prihvaćanje imenovanja i pomaže da se izbjegnu nesporazumi u vezi s pitanjima kao što su ciljevi i djelokrug angažmana, razmjer revizorovih odgovornosti i oblik izvješća koje će se izdati.
- 12. Pitanja koja se obuhvatili pismom o preuzimanju angažmana uključuju sljedeće:

**MSPU 4400 ANGAŽMANI ZA OBAVLJANJE DOGOVORENIH POSTUPAKA  
U VEZI S FINANSIJSKIM INFORMACIJAMA**

- popis postupaka koje treba provesti prema dogovoru stranaka;
- izjavu da će se dostava izvješća o činjeničnom stanju ograničiti na utanačene stranke koje su se dogovorile o postupcima koje treba provesti.

Osim toga, revizor može razmotriti pridodavanje pismu o preuzimanju obveze modela izvješća o činjeničnom stanju kakvo će se izdati. Primjer pisma o preuzimanju angažmana prikazan je u Dodatku 1 ovog MSPU-a.

### **Planiranje**

- 13. Revizor treba planirati svoj posao tako da se učinkovito može obaviti preuzeti angažman.**

### **Dokumentacija**

- 14. Revizor treba dokumentirati pitanja koja su značajna u stvaranju dokaza koji potkrepljuju izvješće o činjeničnom stanju i dokaze da je preuzeti angažman obavljen u skladu s ovim MSPU-om i uvjetima angažmana.**

### **Postupci i dokazi**

- 15. Revizor treba provesti dogovorene postupke i upotrijebiti dobivene dokaze kao osnovu za izvješće o činjeničnom stanju.**
16. Postupci primjenjeni u angažmanu za obavljanje dogovorenih postupaka mogu uključivati sljedeće:
- upite i analize.
  - ponovno izračunavanje, usporedbu i ostale provjere formalne točnosti.
  - promatranje.
  - provjeravanje.
  - pribavljanje konfirmacija.

Dodatak 2 ovog MSPU-a sadrži primjer izvješća s ilustrativnim popisom postupaka koji se mogu koristiti kao dio tipičnog angažmana za obavljanje dogovorenih postupaka.

### **Izvješćivanje**

17. Izvješće o dogovorenim postupcima treba sadržati dovoljno iscrpan opis svrhe i dogovorenih postupaka angažmana kako bi se omogućilo čitatelju da razumije sadržaj i obujam obavljenoga posla.
18. **Izvješće o činjeničnom stanju treba sadržati:**
- (a) **naslov;**

- (b) **naslovnik (uobičajeno je klijent koji je angažirao revizora da provede dogovorene postupke);**
- (c) **oznaku finansijskih i nefinansijskih informacija koje su podvrgnute dogovorenim postupcima;**
- (d) **izjavu da su provedeni postupci upravo oni koji su dogovoreni s primateljem;**
- (e) **izjavu da je preuzeta obveza obavljena u skladu s Međunarodnim standardom za povezane usluge primjenjivim na angažmane za obavljanje dogovorenih postupaka, ili s nacionalnim standardima i praksom;**
- (f) **kada je relevantno, izjavu da revizor nije neovisan o subjektu;**
- (g) **opis svrhe za koju su provedeni dogovoreni postupci;**
- (h) **popis provedenih postupaka;**
- (i) **opis činjeničnog stanja što je utvrdio revizor, uključujući dovoljno pojedinosti o pronađenim pogreškama i iznimkama;**
- (j) **izjavu da obavljeni postupci ne tvore ni reviziju niti uvid te sukladno tome nije izraženo uvjerenje;**
- (k) **izjavu da bi se izvjestilo i o drugim pitanjima koja bi se možda mogla utvrditi da je revizor obavio dodatne postupke – reviziju ili uvid;**
- (l) **izjavu da se izvješće ograničava na one stranke koje su i dogovorile postupke koje treba obaviti;**
- (m) **izjavu (kada je primjenjivo) da se izvješće odnosi samo na specificirane elemente, račune, stavke ili finansijske i nefinansijske informacije i da se ono ne odnosi na subjektove finansijske izvještaje kao cjelinu;**
- (n) **datum izvješća;**
- (o) **adresa revizora; i**
- (p) **potpis revizora.**

Dodatak 2 ovog MSPU-a sadrži primjer izvješća o činjeničnom nalazu u vezi s preuzimanjem angažmana za obavljanje dogovorenih postupaka koji se odnose na finansijske informacije.

### Zahtjevi javnog sektora

1. *Dostupnost izvješće o angažmanu u javnom sektoru ne mora biti ograničena samo na one stranke koje su dogovorile postupke, već ono može biti pristupačno širem krugu subjekata ili osoba (na primjer, parlamentarnoj istraži određenoga javnog subjekta ili državnim tijelima).*

MSPU 4400 ANGAŽMANI ZA OBAVLJANJE DOGOVORENIH POSTUPAKA  
U VEZI S FINANSIJSKIM INFORMACIJAMA

2. *Mora se također napomenuti da ovlasti u javnom sektoru značajno variraju i treba biti oprezan u razlikovanju obveza koje istinski predstavljaju "dogovorene postupke" od obveza za koje se očekuje da budu revizije finansijskih informacija kao što su izvješća o poslovanju.*

**Dodatak 1**

**Ilustracija pisma o preuzimanju angažmana za obavljanje dogovorenih postupaka**

Ova ilustracija pismo služi kao uputa u vezi s razmatranjima u točki 9 ovog MSPU-a i nije joj namjera da bude standardni obrazac. Pismo o preuzimanju angažmana treba modificirati sukladno pojedinim zahtjevima i okolnostima.

Upravnom odboru ili odgovarajućim predstavnicima klijenta koji je angažirao revizora.

Ovim pismom potvrđujemo naše razumijevanje uvjeta i ciljeva našeg angažiranja te sadržaja i ograničenja usluga koje će se pružiti. Naš angažman bit će obavljen u skladu s Međunarodnim standardom za povezane usluge (ili pozvati se na relevantne nacionalne standarde ili praksu) primjenjivim na angažmane za obavljanje dogovorenih postupaka i to čemo navesti u našem izvješću.

Dogovorili smo se da čemo obaviti sljedeće postupke i izvjestiti vas temeljem provedenoga o činjeničnom stanju:

(opis vrste, vremena izvođenja i obuhvatnosti postupaka koje treba obaviti, uključujući, gdje je primjenjivo, pozivanje na konkretnе nazine dokumenata i evidencija koje treba obraditi, na osobe s kojima treba kontaktirati i stranke od kojih će se tražiti konfirmacije).

Postupci koje čemo obaviti su isključivo s namjerom kako bi vam se pomoglo u (navesti svrhu). Naše izvješće ne može se koristiti za neku drugu svrhu i ono je samo za vašu informaciju.

Postupci koji će se provesti ne čine reviziju obavljenu u skladu s Međunarodnim revizijskim standardima ili uvid obavljen u skladu s Međunarodnim standardima za angažmane (ili se pozvati na relevantne nacionalne standarde ili praksu) i s tim u skladu neće se izraziti uvjerenje.

Očekujemo punu suradnju vašeg osoblja i vjerujemo da će nam stavili na raspolaganje svaku evidenciju, dokumentaciju i informacije zatražene u vezi s našim angažmanom.

Naša naknada, koju čemo fakturirati postupno kako bude posao napredovao, temelji se na potrebnom vremenu angažiranih osoba, uvećano za naknade putnih troškova, dnevnice i sličnih troškova. Cjenik za satnicu pojedinih osoba razlikuje se prema stupnju odgovornosti koja se podrazumijeva te potrebnog iskustva i sposobnosti.

Molimo potpišite i dostavite nam priloženu kopiju ovoga pisma, što će značiti da pristajete na naše angažiranje u obavljanju komplikacije vaših finansijskih izvještaja.

XYZ & Co

Prihvaća u ime društva ABC

(potpis)

\_\_\_\_\_ Ime, prezime i funkcija

Datum

**Dodatak 2**

**Ilustracija izvješća o činjeničnom stanju u vezi s računima obveza**

**IZVJEŠĆE O ČINJENIČNIM NALAZIMA ZA**

(one koji su angažirali revizora)

Obavili smo postupke koje smo dogovorili s vama i koji su niže nabrojani u vezi s računima obveza društva ABC, na (datum), prikazane u priloženom obrascu (nije prikazan u ovom primjeru). Naš angažman je obavljen u skladu s Međunarodnim standardom za povezane usluge (ili pozvati se na relevantne nacionalne standarde ili praksu) primjenjivim na angažmane za obavljanje dogovorenih postupaka. Postupci su obavljeni isključivo da bi vam se pomoglo ocijeniti pravovaljanost računa obveza i grupirani su kako slijedi:

1. Pribavili smo i provjerili razradu računa iz bruto bilance (datum) koju je sastavilo društvo ABC i usporedili zbroj sa stanjem odgovarajućeg računa glavne knjige.
2. Usporedili smo priloženi popis (nije prikazana u ovom primjeru) značajnih dobavljača i iznosa koji se duguju na (datum) prema njima s nazivima i iznosima u bruto bilanci.
3. Pribavili smo usklađenje s dobavljačima ili zatražili od dobavljača da potvrde stanja svojih potraživanja na (datum).
4. Usporedili smo spomenuta usklađenja ili konfirmacije s iznosima navedenim u točki 2. Za iznose koji se nisu slagali pribavili smo od društva ABC usklađivanja. Za dobivena usklađivanja utvrdili smo i popisali otvorene fakture, obavijesti o knjiženju i čekove u tijeku realizacije, s pojedinačnim vrijednostima većim od xxx. Locirali smo i ispitali takve fakture, naknadno primljene obavijesti o knjiženju i naknadno izdane čekove te se uvjerili da su i trebale biti iskazane kao otvorene stavke.

Izvješćujemo o našim nalazima:

- (a) U vezi s točkom 1 ustanovili smo da je razrada ispravna i zbroj usklađen.
- (b) U vezi s točkom 2 ustanovili smo da se uspoređeni iznosi slažu.
- (c) U vezi s točkom 3 ustanovili smo da postoje usklađenja za sve dobavljače.
- (d) U vezi s točkom 4 ustanovili smo da se iznosi slažu ili da je za iznose koji nisu usklađeni društvo ABC pripremilo usklađivanje te su obavijesti o knjiženju, fakture i čekovi iznad xxx odgovarajuće popisani kao usklađene stavke, osim u sljedećim slučajevima:  
( pojedinosti o iznimkama)

Budući da navedeni postupci ne čine ni reviziju obavljenu u skladu s Međunarodnim revizijskim standardima ili uvid obavljen u skladu s Međunarodnim standardima za angažmane (ili se pozvati na relevantne nacionalne standarde ili praksu), ne izražavamo ikakvo uvjerenje o računima obveza na (datum).

**MSPU 4400 ANGAŽMANI ZA OBAVLJANJE DOGOVORENIH POSTUPAKA  
U VEZI S FINANSIJSKIM INFORMACIJAMA**

Da smo obavili dodatne postupke ili da smo obavili reviziju finansijskih izvještaja u skladu s Međunarodnim revizijskim standardima ili uvid u finansijske izvještaje u skladu s Međunarodnim standardima za angažmane (ili se pozvati na relevantne nacionalne standarde ili praksu), našu bi pozornost mogla zaokupiti druga pitanja o kojima bismo vas mogli izvijestiti.

Naše je izvješće isključivo za svrhu navedenu u prvom odjeljku ovog izvješća i za vašu informaciju i nije namijenjeno za druge svrhe niti za distribuiranje nekim drugim strankama. Ovo se izvješće odnosi samo na gore specificirani račun i stavke i ne proteže se na bilo koji finansijski izvještaj društva ABC kao cjelinu.

**REVIZOR**

Datum

Adresa

**MEĐUNARODNI STANDARD ZA POVEZANE USLUGE 4410**

(Prije MRevS 930)

**ANGAŽMANI ZA OBAVLJANJE KOMPILACIJE FINANCIJSKIH IZVJEŠTAJA**

(Ovaj Standard je na snazi)

**SADRŽAJ**

---

	Točka
Uvod .....	1-2
Cilj angažmana za obavljanje kompilacije .....	3-4
Opća načela angažmana za obavljanje kompilaciju .....	5-6
Definiranje uvjeta angažmana .....	7-8
Planiranje .....	9
Dokumentacija .....	10
Postupci .....	11-17
Izvješćivanje o kompilacijskom angažmanu .....	18-19

Dodatak 1: Ilustracija pisma o preuzimanju kompilacijskog angažmana

Dodatak 2: Ilustracije izvješća o kompilaciji

---

Međunarodni standard za povezane usluge (MSPU) 4410 "Angažmani za obavljanje kompilacije financijskih izvještaja" treba čitati povezano s Predgovorom međunarodnim standardima kontrole kvalitete, revidiranja, uvida, ostalih angažmana s izražavanjem uvjerenja i povezanih usluga koji navodi primjenu i ovlasti Međunarodnih standarda za povezane usluge.

## Uvod

1. Svrha ovog Međunarodnog standarda za povezane usluge (MSPU-a) je uspostaviti standarde i pružiti upute o profesionalnim odgovornostima računovode<sup>1</sup> kada se preuzme obveza kompiliranja finansijskih informacija te o obliku i sadržaju izvješća što računovoda izdaje u vezi s takvom kompilacijom.
2. Ovaj MSPU je usmjeren na kompilaciju finansijskih informacija. Međutim, treba se primjenjivati koliko je to izvedivo i na angažmane za obavljanje kompilacije nefinansijskih informacija, uz pretpostavku da računovoda ima odgovarajuće znanje o predmetnoj problematici. Angažmani radi pružanja ograničene pomoći klijentu pri sastavljanju finansijskih izvještaja (na primjer, pri izboru odgovarajućih računovodstvenih politika) ne predstavljaju angažmane za obavljanje kompilacije finansijskih informacija.

## Cilj angažmana za obavljanje kompilacije

3. **Cilj angažmana za obavljanje kompilacije je da računovoda koristi svoju stručnost iz područja računovodstva, nasuprot onoj iz revizijskog područja, radi prikupljanja, klasificiranja i objedinjavanja finansijskih informacija.** To obično podrazumijeva smanjivanje opširnosti podataka u razumljiv i upravljanju prihvatljiv oblik bez zahtjeva da se provjeravaju tvrdnje koje su u pozadini tih informacija. Korišteni postupci nisu oblikovani i ne omogućuju računovođi izraziti uvjerenje o finansijskim informacijama. Međutim, korisnici kompiliranih finansijskih informacija imat će neke koristi uslijed uključenosti računovode, jer je posao bio obavljen s profesionalnom kompetentnošću i s dužnom pažnjom.
4. Angažman za obavljanje kompilacije obično će uključiti i pripremanje finansijskih izvještaja (koji mogu, ali i ne moraju sadržavati cijelovit skup finansijskih izvještaja), ali može također uključivati i prikupljanje, klasificiranje i objedinjavanje drugih finansijskih informacija.

## Opća načela angažmana za obavljanje kompilaciju

5. **Računovođa treba poštivati Kodeks etike za profesionalne računovođe koji je objavio Odbor za međunarodne standarde etike za računovode (International Ethics Standards Board for Accountants (IESBA-ov Kodeks)).** Etička načela koja uređuju odgovornosti računovođe za ovu vrstu angažmana su:
  - (a) poštenje;
  - (b) objektivnost;
  - (c) profesionalna kompetentnost i dužna pažnja;
  - (d) povjerljivost;
  - (e) profesionalno ponašanje; i
  - (f) tehnički standardi.

---

<sup>1</sup> Za svrhe ovog MSPU-a i kako bi se razlikovao revizijski angažman od angažmana za obavljanje kompilacije, korišten je pojam "računovođa" (radije nego "revizor") za označavanje profesionalnog računovođe u javnoj praksi.

Neovisnost nije zahtjev kod angažmana za obavljanje kompilacije. Međutim, gdje računovođa nije neovisan, izjavu o tome treba dati u računovođinom izvješću.

6. **Računovođa treba izdati izvješće u svim slučajevima kada se njegovo ime povezuje s financijskim informacijama koje je on kompilirao.**

### Definiranje uvjeta angažmana

7. **Računovođa treba osigurati potpuno razumijevanje s klijentom o uvjetima angažiranja.** Pitanja koja treba razmotriti uključuju:

- sadržaj angažmana, uključujući činjenicu da se neće obavljati ni revizija niti uvid i sukladno tome neće se izraziti uvjerenje.
- činjenicu da se od ovakvog angažmana ne može očekivati otkrivanje pogrešaka, nezakonitosti i drugih nepravilnosti, na primjer prijevara ili pronevjera koje mogu postojati.
- koje informacije treba dostaviti klijent.
- činjenicu da je menadžment odgovoran za točnost i potpunost informacija dostavljenih računovođi, pa to uvjetuje potpunost i točnost kompiliranih financijskih informacija.
- računovodstvenu osnovu po kojoj se finansijske informacije trebaju kompilirati i činjenicu da će bilo kakvo odstupanje od nje biti objavljeno.
- namjeravanu uporabu i distribuciju informacija nakon što se kompiliraju.
- oblik izvješća kojeg treba izdati u vezi s kompiliranim finansijskim informacijama, kada se računovođino ime dovodi u vezu s njima.

8. Pismo o preuzimanju kompilacijskog angažmana bit će od pomoći pri planiranju poslova kompilacije. U interesu je i računovođe i subjekta da računovođa pošalje pismo o preuzimanju kompilacijskog angažmana dokumentirajući ključne uvjete imenovanja. Pismo o preuzimanju kompilacijskog angažmana potvrđuje računovođino prihvaćanje imenovanja i pomaže da se izbjegnu nesporazumi u vezi s pitanjima kao što su ciljevi i djelokrug angažmana, razmjer odgovornosti računovođe i oblik izvješća koja treba izdati. Primjer pisma o preuzimanju kompilacijskog angažmana prikazan je u Dodatku 1 ovoga MSPU-a.

### Planiranje

9. **Računovođa treba planirati svoj posao tako da se učinkovito može obaviti preuzeti angažman.**

### Dokumentacija

10. **Računovođa treba dokumentirati pitanja koja su značajna za osiguravanje dokaza da je preuzeti angažman obavljen u skladu s ovim MSPU i uvjetima angažiranja.**

## Postupci

11. **Računovođa treba steći opće poznavanje, koje je primjereno u danim okolnostima, djelatnosti i poslovanja subjekta i biti upoznat s računovodstvenim načelima i praksom djelatnosti u kojoj subjekt posluje te s oblikom i sadržajem finansijskih informacija.**
12. Da bi kompilirao finansijske informacije, računovođa treba načelno razumjeti sadržaj poslovnih transakcija subjekta, oblik njegovih računovodstvenih evidencija i računovodstvenu osnovu po kojoj se finansijske informacije trebaju prezentirati. Računovođa obično stječe znanja o tim pitanjima kroz praksu ili postavljanjem upita osoblju subjekta.
13. Osim kada je to navedeno u ovom MSPU-u, računovođa ne treba:
  - (a) postaviti upite menadžmentu radi procjene pouzdanosti i potpunosti pribavljenih informacija;
  - (b) procijeniti interne kontrole;
  - (c) verificirati bilo koje pitanje; ili
  - (d) verificirati bilo koje objašnjenje.
14. **Spozna li računovođa da su netočne, nepotpune ili da na drugi način ne zadovoljavaju informacije koje je dostavio menadžment, računovođa treba razmotriti provođenje gore spomenutih postupaka i zatražiti od menadžmenta dodatne informacije. Odbije li menadžment dati dodatne informacije, računovođa se treba povući iz angažmana i izvjestiti subjekta o razlozima povlačenja.**
15. **Računovođa treba pročitati kompiliranu informaciju i razmotriti je li se doima da ona odgovara po obliku i ne sadrži očigledna značajna pogrešna prikazivanja.** U tom smislu, pogrešna prikazivanja podrazumijevaju:
  - pogreške u primjeni primjenjivog okvira finansijskog izvještavanja.
  - neobjavljivanje okvira finansijskog izvještavanja i svako uočeno odstupanje od okvira.
  - neobjavljivanje bilo kojeg drugog značajnog pitanja što je računovođa uočio.

**Unutar finansijske informacije treba biti objavljen primjenjivi okvir finansijskog izvještavanja i svako uočeno odstupanje od njega, premda se njihov učinak ne mora kvantificirati.**
16. **Ako računovođa postane svjestan postojanja značajnih pogrešnih prikazivanja, on treba pokušati dogоворити sa subjektom odgovarajuće ispravke. Ne provedu li se takvi ispravci i ako se smatra da finansijske informacije dovode u zabludu, računovođa se treba povući iz angažmana.**

## Odgovornost menadžmenta

17. **Računovođa treba pribaviti potvrdu od menadžmenta da prihvata odgovornost za odgovarajuće prezentiranje finansijskih informacija i da odobrava finansijske informacije.** Takva potvrda može se osigurati pomoću izjave menadžmenta koja se odnosi na točnost i potpunost

potkrepljujućih računovodstvenih podataka i potpuno predočavanje računovodi svih značajnih i relevantnih informacija.

### Izvješćivanje o kompilacijskom angažmanu

18. **Izvješće o kompilacijskom angažmanu treba sadržati<sup>2</sup>:**
  - (a) **naslov,**
  - (b) **naslovnik,**
  - (c) **izjavu da je preuzeta obveza obavljena u skladu s Međunarodnim standardom za povezane usluge primjenjivim na kompilacijske angažmane, ili s nacionalnim standardima i praksom;**
  - (d) **kada je relevantno, izjavu da računovođa nije neovisan o subjektu;**
  - (e) **oznaku finansijskih informacija uz naznaku da su temeljene na informacijama koje je osigurao menadžment;**
  - (f) **izjavu da je menadžment odgovoran za finansijske informacije koje je kompilirao računovođa;**
  - (g) **izjavu da ni revizija niti uvid nije obavljen te se sukladno tome ne izražava uvjerenje o finansijskim informacijama;**
  - (h) **odjeljak, kada se smatra nužnim, kojim se skreće pozornost na objavu značajnog odstupanja od primjenjivog okvira finansijskog izvještavanja;**
  - (i) **datum izvješća;**
  - (j) **adresa računovođe; i**
  - (k) **potpis računovođe.**

Dodatak 2 sadrži primjere izvješća o kompilaciji.

19. **Finansijske informacije koje je kompilirao računovođa trebaju imati oznaku poput "Nerevidirani", "Kompilirani bez revizije ili uvida", ili "Odnose se na kompilacijsko izvješće", i to na svakoj stranici s finansijskim informacijama ili na početku cijelovitog skupa finansijskih izvještaja.**

---

<sup>2</sup> Može biti također prikladno da se računovođa pozove na posebnu namjenu za koju je, ili na stranku za koju je, informacija bila pripremljena. Alternativno ili, osim toga, računovođa može dodati neku vrstu upozorenja oblikovanog kako bi se osiguralo da se izvješće ne koristi za druge svrhe od one kojoj je namijenjeno.

**Dodatak 1****Ilustracija pisma o preuzimanju kompilacijskog angažmana**

Ova ilustracija pismo služi kao uputa u vezi s razmatranjima u točki 7 ovog MSPU-a i trebat će se modificirati sukladno konkretnim zahtjevima i okolnostima. Ovo je primjer za kompilaciju finansijskih izvještaja.

Upravnom odboru ili odgovarajućim predstavnicima više razine menadžmenta

Pismom potvrđujemo razumijevanje uvjeta našeg angažiranja te svrhu i ograničenja usluga koje će se pružiti.

Tražili ste da obavimo sljedeće usluge:

Temeljem informacija koje nam pribavite kompilirat ćemo, sukladno Međunarodnom standardu za povezane usluge (ili pozvati se na relevantne nacionalne standarde ili praksu) primjenjivom na kompilacijske angažmane, bilancu društva ABC na 31. prosinca 19XX. i s njom povezanog računa dobiti i gubitka te izvješća o novčanom toku za godinu završenu na navedeni datum po osnovi novčanih primitaka i izdataka. Nećemo obaviti postupke revizije ili uvida u vezi s takvim finansijskim izvještajima. Sukladno tome nikakvo se uvjerenje o finansijskim izvještajima neće izraziti. Sada očekujemo da će naše izvješće o finansijskim izvještajima društva ABC izgledati kako slijedi:

(vidjeti dodatak 2 ovoga Standarda)

Menadžment je odgovoran i za točnost i za potpunost dostavljenih nam informacija te je odgovoran korisnicima za finansijske informacije koje smo mi kompilirali. To podrazumijeva odgovornost za vodenje računovodstvenih evidencija i održavanje internih kontrola i izbor te primjenu odgovarajućih računovodstvenih politika. Ne može se očekivati od našeg angažmana da će se otkrivati postojanje bilo kakve prijevare ili pogreške ili nezakonitih radnji. Međutim, obavijestit ćemo vas o bilo kojoj od njih, ako je uočimo.

Informacije će biti sastavljene u skladu s (primjenjivim okvirom finansijskog izvještavanja). Svako uočeno odstupanje od toga okvira objavit će se u finansijskim izvještajima i kada se smatra nužnim, bit će navedeno u našem kompilacijskom izvješću.

Shvaćamo da je namjeravana uporaba i distribucija informacija koje kompiliramo (specificirati) i ako bi se to u značajnom promijenilo, vi ćete nas o tome izvijestiti.

Očekujemo punu suradnju vašeg osoblja i vjerujemo da će nam stavili na raspolaganje svaku evidenciju, dokumentaciju i informacije zatražene u vezi s našom kompilacijom.

Naša naknada, koju ćemo fakturirati postupno kako bude posao napredovao, temelji se na potrebnom vremenu angažiranih osoba, uvećano za naknade putnih troškova, dnevnice i sličnih troškova. Cjenik za satnicu pojedinih osoba razlikuje se prema stupnju odgovornosti koja se podrazumijeva te potrebnog iskustva i sposobljenosti.

Ovo će se pismo primjenjivati u godinama koje slijede, ako ne bude opozvano, izmijenjeno ili zamijenjeno.

MSPU 4410 ANGAŽMANI ZA OBAVLJANJE KOMPILACIJE FINANSIJSKIH IZVJEŠTAJA

Molimo potpišite i dostavite nam priloženu kopiju ovoga pisma, što će značiti da pristajete na naše angažiranje u obavljanju kompilacije vaših finansijskih izvještaja.

XYZ & Co

Prihvaća u ime društva ABC

(potpis)

---

Ime, prezime i funkcija

Datum

**Ilustracija izvješća o kompilaciji**

**Ilustracija izvješća o angažmanu za kompilaciju financijskih izvještaja**

IZVJEŠĆE O KOMPILACIJI ZA \_\_\_\_\_

Temeljem informacija dobivenih od menadžmenta kompilirali smo, u skladu s Međunarodnim standardom za povezane usluge (ili se pozvati na relevantne nacionalne standarde ili praksu) primjenjivim na kompilacijske angažmane, bilancu društva ABC na 31. prosinca 19xx i s njom povezanog računa dobiti i gubitka, te izvješća o novčanom toku za godinu koja završava na navedeni datum. Za te financijske izvještaje odgovoran je menadžment. Nismo obavili ni reviziju ni uvid financijskih izvještaja i prema tome ne izražavamo nikakvo uvjerenje<sup>3</sup>.

**RAČUNOVOĐA**

Datum

Adresa

---

<sup>3</sup> Vidjeti fusnotu 2.

**Ilustracija izvješća o angažmanu za kompilaciju finansijskih izvještaja s dodatnim odjeljkom koji usmjerava pozornost na odstupanje od primjenjivog okvira finansijskog izvještavanja**

IZVJEŠĆE O KOMPILACIJI ZA \_\_\_\_\_

Temeljem informacija dobivenih od menadžmenta kompilirali smo, u skladu s Međunarodnim standardom za povezane usluge (ili se pozvati na relevantne nacionalne standarde ili praksu) primjenjivim na kompilacijske angažmane, bilancu društva ABC na 31. prosinca 19xx i s njom povezanog računa dobiti i gubitka, te izvješća o novčanom toku za godinu završenu na navedeni datum. Za te finansijske izvještaje odgovoran je menadžment. Nismo obavili ni reviziju ni uvid finansijskih izvještaja i prema tome ne izražavamo nikakvo uvjerenje<sup>4</sup>.

Usmjeravamo pažnju na bilješku X uz finansijske izvještaje jer je menadžment odlučio ne kapitalizirati najam postrojenja i opreme što odstupa od primjenjivog okvira finansijskog izvještavanja.

Datum

Računovođa

Adresa

---

<sup>4</sup> Vidjeti fusnotu 2.